

脾肺之氣而愈 一小兒耳前後結核遇驚即痰盛
咬牙抽搐搖頭恪服香燥之藥以致慢驚而卒

皂角子丸 治肝膽經風熱項脇兩側結核

皂角子

用仁炒
貳兩

連翹

捌錢

當歸

柴胡

芍藥

炒

山梔

炒

川芎

各壹兩

桔梗

炒

龍膽草

酒拌
炒黑

甘草

炒各
肆錢

右爲末米糊丸蒙豆大量兒大小加減滾湯下

人參敗毒散

治小兒風熱瘙痒頑核毒瘡或解脫

衣裳風邪所傷惡風發熱胸膈生痰頭目不清

方見

後

九味柴胡湯

治肝經熱毒下注患便毒腫痛或小

腹脇間結核凡肝膽經部分一切瘡瘍或風毒惡

核癰癰

柴胡

炒

黃芩

炒各伍分

人參

山梔

炒

半夏

龍膽草

炒

當歸

芍藥

炒各叁分

甘草

貳分

右水煎服若腫痛赤色元氣無虧者宜用潰後腫

消痛止者不宜用大凡腫硬不潰潰後不愈者因

元氣虛也午前宜用四君歸芪升麻午後宜用四

君芎歸柴胡爲主佐以九味蘆薈丸若飲食少思

者宜用五味異功散專補胃氣若膿水清稀而見一切諸證皆因血氣內虧但溫補脾胃飲食加進血氣化生諸證自退設治瘡邪是虛其虛也禍不旋踵矣

琥珀膏 治瘰癧不潰或潰而不愈變成漏證

琥珀

木通

桂心

當歸

白芷

防風

松香

硃砂

丁香

木香

木鼈子

肉各貳兩

右先用琥珀丁香桂心硃砂木香爲末其餘咬咀以麻油二斤六兩慢火煎至白芷焦黑濾去粗徐

下黃丹一斤以柳枝不住手攪至黑色滴水捻軟
硬得中却入琥珀等末攪勻於磁器盛之用時取
少許攤貼

益脾清肝散 治肝火侮脾飲食少思發熱或寒熱
往來瘡不能消散 方見後

補陰八珍湯 治元氣虛弱不能潰斂或內熱晡熱
肌體消瘦卽八珍湯加酒炒黑黃檗知母

瘡疥海 小兒經絡蘊熱頭面及身體生瘡四君子加
瓜蒌根桔梗各半錢煎服 湯小兒惡瘡天氣溫和
頻與澡洗更衣名曰外宣亦不宜服藥小兒不得已

而服藥此乃下法若將養合宜何疾可侵更令乳哺有節勿令過飽其身乃如藥樹此養生之理也湯惡瘡方頻浴身安外宣無病

春用柳條荆芥 夏用棗葉槐枝 秋冬用苦

參 俱煎湯洗浴

加味羌活散 治小兒四氣外搏肌膚發爲癰疹憎寒發熱身痒

羌活

前胡

各壹兩

人參

桔梗

茯苓

甘草

炙

川芎

枳殼

麩炒

天麻

各半兩

蟬蛻 去鬚

薄荷 各貳錢

右剉碎每服三錢水一盞生薑三片煎至六分不

拘時服

當歸飲子 治小兒心血凝滯內蘊風熱發見皮膚

遍身瘡疥或腫或痒或膿水浸淫

當歸 去蘆

赤芍藥

川芎

生地黃

蒺藜 炒去刺

荊芥穗

防風 去蘆各壹兩

何首烏

黃耆 去蘆

甘草 炙各半兩

右剉碎每服四錢水一盞薑三片煎六分服無時

胎毒瘡疥因稟胎熱或娠母飲食之毒七情之火初
如乾癬後則膿水淋漓或結靨成片如發于兩耳眉
稍或耳前後髮際之間屬手少陽經若發于四肢屬脾
胃經發於兩脇屬肝經發于額屬心經發于腦屬膀
胱經發于頰頰屬腎經當隨各經所主五臟勝負及
乳母食啖厚味鬱怒所傳致而調治之不可輒用化
毒犀角等丸設元氣復傷轉變他證尤爲難療一
小兒遍身患之服牛黃解毒丸皆愈惟頭結痂作痒
出水此稟腎經虛熱用地黃丸解毒散而愈一小
兒患於髮際之間作痒診其母有肝火用加味逍遙

散加漏蘆用牛黃解毒丸解毒散而愈

解毒散一名托毒散

一小兒患於左耳髮際漸延上頭作痒此稟肝膽二

經熱毒用柴胡清肝散母子並服而愈後不戒膏梁

復發膿水淋漓右頰赤色此胃經有熱先用清胃散

仍用柴胡清肝散治肝火母子俱服又用立効散牛

黃解毒丸而愈

小兒兩眉患之延及遍身四肢

爲患膿水淋漓寒熱往來屬肝脾積熱用清胃散小

柴胡湯立効散而愈後眉間復患兩目連劄小便白

濁用四味肥兒丸九味蘆薈丸而愈 一小兒因乳

母不戒七情厚味患此久不愈母用清胃逍遙二散

子用牛黃解毒丸愈後兒食甘味眉間生瘡痒痛目
眇用四味肥兒丸爲主佐以加味道遙散清胃散而
愈 一小兒遍身患之兩脇爲甚子用四味肥兒丸
立効散母用柴胡梔子散而愈

牛黃解毒丸 治胎毒瘡癰及一切瘡瘍

牛黃 叁錢

甘草

金銀花 壹兩

草紫河車 伍錢

右爲末煉蜜丸量兒服

立効散 治鬢瘡耳瘡及一切瘡疥

定粉 末

松香 末

黃礬 末

黃連

末

枯礬

末各壹兩

右各另爲末用清油燭油調搽

敷藥解毒散 治一切毒瘡風疹痒痛

大黃

黃檗

山梔

寒水石

各等分

右爲末水調搽若破而膿水淋漓用當歸膏或清
燭油調尤善

柴胡梔子散

發熱

四味肥兒丸

瘡

九味蘆薈丸

瘡

金黃散

天泡瘡

熱毒瘡疥因乳哺過早或嗜甘肥臟腑積熱或母食

膏粱厚味或七情內火所致當分臟腑所屬之因病
之虛實調其血氣平其所勝如肝經實熱用柴胡清
肝散虛熱用六味地黃丸心經實熱用導赤散虛熱
用補心湯脾經實熱用瀉黃散虛熱用補中湯肺經
實熱用瀉白散虛熱用五味異功散腎經熱用六味
地黃丸大凡手足冷者屬虛寒手足熱者屬實熱脉
沉數有力作渴飲冷大便乾實此邪在裏宜內疎若
脉浮數有力作渴飲冷此邪在表宜發散若脉浮大
按舉無力或作渴飲湯乳食少思此真氣虛而發熱
也調理脾胃其病自愈切不可用寒涼之劑復損真

氣嬰兒宜調治乳母爲主 一小兒脇間患此寒熱如瘧小便頻數此稟肝火所致先用柴胡清肝散又用加味逍遙散而愈後因乳母肝火動而復發用加味逍遙散及八珍湯加牡丹皮山梔母子服之並愈 一小兒腹間患此發熱便血面黃少食或作嘔或作瀉手足時冷右關脉弦數此脾土虛弱肝火爲患先用五味異功散加升麻柴胡山梔益肝氣清肝火後用地黃丸滋腎水生肝血而愈 一小兒腿內股患此色赤不愈發熱面色或赤或青此稟腎陰不足而木火熾盛先用柴胡梔子散以清肝心後用地黃

丸以補肝腎而愈 一小兒肘間患此作渴飲冷右寸關脉數而無力此胃經積熱傳於肺經也先用瀉黃瀉白二散漸愈後用五味異功散四味肥兒丸而愈 一小兒清膏梁甘味先患背脾後沿遍身淋漓此飲食之熱而傷脾血也先用清胃瀉黃二散而愈但形氣怯弱用五味異功散而元氣復

諸疳瘡疥因脾胃虧損內亡津液虛火妄動或乳母六淫七情飲食起居失宜致兒爲患當分其因審其經而平之如面青寒熱或白翳遮睛肝經之證也面赤身熱或作渴驚悸心經之證也面黃體瘦或作渴

泄瀉脾經之證也面白咳嗽或鼻間生瘡肺經之證也面鰲體瘦或喜卧濕地腎經之證也嬰兒宜調治乳母若不審五臟勝負形病虛實妄行攻毒多致不救

湯傳瘡藥方

剪刀草

黃連

苦參

右等分爲末先洗淨次用麻油輕粉調傳

田瘡癰治法浸淫瘡宜用苦瓠散塗之乾癰宜用羊蹄根絞自然汁調膩粉塗之濕癰宜用青金散貼之苦瓠散治小兒浸淫瘡漸展不止

苦瓠

貳兩

蛇蛻

燒灰

蜂房

微炒各半兩

梁上塵

壹合

右爲細末生油調塗攤帛上貼

青金散

治小兒濕癬浸淫瘡

白膠香

研壹兩

輕粉半兩

青黛

貳錢半

右研爲細末乾糝瘡上

秘錄治小兒風癰白瘡

拾貳分

熱酒鎔化馬尾蘸酒塗

山小兒頭面爛瘡木耳春細蜜調傅又冷水調平胃

散傅俱乾則易之

癰疹潔古云癰疹之病焮腫於外者屬少陽相火也

謂之癰小紅靨隱於皮膚中者屬少陰君火也謂之

疹癰疹並出則小兒難禁然首尾俱不可下大抵安裏藥多發表藥少小便秘則微疎之身溫者順身涼者逆大忌外敷寒涼內用疎導無此二者可保無虞葛根橘皮湯治發癰煩悶嘔吐清汁兼治痲痘等證

葛根

陳皮

杏仁

去尖

麻黃

去節

知母

炒

甘草

炙

黃芩

各半兩

右每服二三錢水煎服

元參升麻湯 治癰疹已發未發或身如錦紋甚則

煩躁語言喉閉腫痛

元參

升麻

甘草